

ein Galen Lucera genant / gesucht wordē / da er vnauffsprächlich Elend vnd Jammer so ein Mensch immer könne / drey Jahr lang erlitten / nū aber seinen Augē eben dasselbig schiff vnd seine harte Gefängniß / im Abgrund des Meers hab sehen sinken / vnd den Hauptman Calliado / von dem er manche schwere streich empfangē / so viel zugerichtet dz er vō schmerzen (weil ihm beide Bein abgeschossen) in Capitein Hartmans Schiff bald noch dem Streit gestorben.

Don Frider. Spinola bracht noch dz meiste theil seines Gilden vnd Silber geschirrs daruon / welches man auff 20000. Guld. wehrt geschezt / ließ es aber darnach zu Antorff vnder des Herzogen schlag oder Mainen verminken / vnd bezahlte darmit die vberlebene Soldaten.

**Erzehlung des Schiffstreits /**  
**so sich zwischen den Galeen des Don**  
**Spinole / von Schluns / vñ etlichen Kriegss-**  
**schiffen der Hochmögenden Herren**  
**Staden / ic. zu getragen. Anno**  
**1603. den 26. May.**

**S**innach Don Friederich Spinosa O-  
 berster vber die Galeen zu Schluns / ihme  
 fürgenommen die Schiff der Hochmögende  
 Herren Staden / so ben dem Schlunser Gatt oder  
 Durchfahrt lagen / zuverjagen vnd zuvertreiben / ist  
 er den 26. May des morges vor tag als der wind auf  
 dem Osten wähete / mit 8. Galeen von dem Hafen  
 zu Schluns herauß gefahren / zwischē einer Erucke-  
 ne oder Sand der Franköfische Poel genant / vñ dem  
 Land.